

Consecuencia ora keda sin cumpli cu e obligacionnan ta inclui:

Ora propietario di negoshi keda sin cancela un negoshi cu no ta activo mas, e obligacion legal pa cumpli cu Camara di Comercio ta keda existi.

Ora bo datonan di contacto no ta al dia, Camara di Comercio no por comunica cu bo manera debe ser. Consecuencia por ta:

ta keda sin ricibi post di Camara di Comercio, incluyendo e revista di cada cuartal "Chamber News & Views";

bo lo no recibi invitacion pa participa den Camara su expo, workshops, presentacionnan, mision comercial di exterior y otro evento organiza pa Camara di Comercio, o informacion cu por ta relevante pa bo negoshi;

bo lo no recibi invitacion pa participa na evento internacional, mision economico pa exterior y otro evento interesante ora bo email adres no ta registra corectamente;

keda sin aparece corectamente riba lista di compania cu inversionista stranhero y posible partnernan comercial ta ricibi for di Camara di Comercio ariba nan peticion.

Dato incorrecto di compania muestra den registro online di website di Camara di Comercio.

Keda sin cumpli cu bo contribucion anual lo aparece riba extracto (uittreksel) di bo compania.

Servicionan di Camara di Comercio por ser para ora contribucion no ser haci na tempo.

Den cierto caso bo por keda personalmente responsable pa tur accion di compania.

Imposibilidad pa vota o pa ricibi notificacion pa vota.

Pa mas informacion tocante nos servicio o productonan, tuma contacto cu Registro Comercial o 'Business Information & Support' na telefon number +(297) 582.1566 o manda nos un email na: registers@arubachamber.com or businessinfo@arubachamber.com

Camara di Comercio y Industria Aruba

J.E. Irausquin Blvd. 10
P.O. Box 140

Oranjestad, Aruba

Tel: (297) 582.1566

Fax: (297) 583.3962

www.arubachamber.com

businessinfo@arubachamber.com

registers@arubachamber.com

Derecho y Obligacion di Compania y Fundacion



Camara di Comercio y Industria Aruba

Camara di Comercio y Industria Aruba

Camara di Comercio y Industria (KvK) a keda oficialmente designa como e cuerpo representativo pa comercio y industria na Aruba riba 8 di september 1930, pa Gobernador Interino di Aruba.

Awe KvK ta un institucion semi gubernamental autonomo, cu ta provee informacion y conseho – riba peticion o riba su propio iniciativa – di caracter social, financiero y economico, na interes general di comercio y industria, na gobierno di Aruba, na Ministro encarga cu Asunto Economico en especial y na e comunidad comercial di Aruba.

Banda di e obligacionnan aki, KvK ta responsable tambe pa administra y supervisa e Registro Comercial y e Registro di Fundacion.

Obligacion pa registra

Di acuerdo cu e Ordenanza di Registro Comercial (Handelsregisterverordening) cualquier empresa cu ta eherce cualquier tipo di actividad comercial mester ta registra, no mas tarda cu un siman despues cu e cuminsa opera. Desde 1988 tur fundacion constitui segun ley Arubano mester registra na registro publico na KvK, segun Ordenanza di Fundacion.

Propietario di negoshi, director y miembro di directiva cu no registra nan negoshi lo ta personalmente responsable pa tur accion na nomber di nan organisacion.

Registro Comercial di KvK ta provee un fuente di informacion tocante negoshi y fundacion local y ta facilita nan participacion na economia di Aruba.

Cambio sin limite

Compania registra por haci cambio y enmienda sin limite den dato di compania. KvK ta ofrece e servicio aki sin costo adicional y por registra esaki durante ora di oficina. E enmiendanan lo ser procesa dentro di 24 ora.

Derecho di voto pa directiva di KvK

Empresario registra, residencia na Aruba pa por lo menos dos aña, cu tin nacionalidad Hulandes y ta aparece den Registro Comercial como propietario, partner, director o apoderado general pa por lo menos un aña tin derecho di voto.

Posible miembro di directiva mester tin por lo menos 25 aña di edad. Nan candidatura mester tin apoyo di por lo menos 15 persona cu derecho di voto.

Derecho di compania registra ta inclui:

Cambio sin limite di dato di compania

Derecho di voto di director di compania pa directiva di KvK, bao cierto condicion

Haci uso di sesion di consulta di Camara di Comercio y otro servicio

KvK ta representa e voz di comunidad empresarial, registracion ta duna compania e derecho di trese nan preocupacionnan principal na nos conocimiento

Participa na evento y iniciativa di KvK

Elegibilidad pa Directiva

Directiva di KvK ta consisti di 9 miembro, di cual 5 miembro ta representa negoshi cu un capital inverti di 100.000 florin o mas, y 4 miembro cu ta representa empresa chiquito. Miembronan ta sinta pa tres aña. Anualmente tres miembro ta retira via rotacion y nan ta reeligible inmediatamente.

Tarea di directiva ta pa representa interes di comercio y industria en general, tresiendo dilanti nan opinion na un manera serio y obhetivo, basa riba un analisis profesional y dato concreto y determina startegia di KvK den asuntonan relevante.

Pa bo conveniencia tur documento y formulario ta disponible na Camara di Comercio y riba website www.arubachamber.com.

Haci uso di servicio di KvK

KvK ta ofrece varios servicio na (posible) empresario, inversionista, compania y publico en general, tanto local como internacional. Consulta e flyer “*Kico Camara di Comercio por haci pabo*” pa mas informacion.

Informa KvK tocante bo preocupacionnan en cuanto haci negoshi na Aruba

Ta nos responsabilidad pa representa y promove interes di comunidad empresarial di Aruba na e mihor manera posible. Tambe, pa promove e mihor practica empresarial den comunidad comercial.

Informando nos di bo preocupacion nos por actua a traves di nos participacion den organismonan consultativo y otro organisacionnan o a traves di nos propio iniciativanan. Informa nos tambe di bo proyectonan comercial pa nos por asisti o consehabo durante e proceso.

Participa den evento y iniciativa di KvK

KvK ta organiza varios evento y ta haya invitacion pa compania local participa na evento internacional cual por conduci na oportunidad empresarial interesante.

Obligacionnan di compania registra pa cu KvK ta inclui:

Registro di un negoshi o fundacion mester socede dentro di un siman despues di inicio di e actividadnan.

Tene informacion tocante compania o fundacion al dia na tur momento. Bo por revisa esaki riba website di KvK na cualquier momento.

Pago na tempo di e contribucion anual na KvK pa compania; promer cu 1 di april di cada aña.

Cancela e negoshi pareu cu operacion di e negoshi para.